


袁文達公文集



05041

裘文  
文集



恩綸

乾隆三十八年五月初十日奉

國朝  
御製  
詩  
集

書  
館  
藏

五  
十  
五

上諭工部尚書裘曰修品學端醇才猷練  
達入直內廷屢膺使命宣力年久倚任  
方深今春偶患噎膈特遣太醫院堂官  
診治復常遣御前侍衛前往看視比因  
病體加劇奏請解職未允所請並賜詩

示慰昨又降旨晉加宮銜俾之舒心攝  
養以冀速痊茲聞溘逝深為悼惜着加  
恩派散秩大臣一員帶侍衛十員往奠  
茶酒所有在任草職降級之案俱著開  
復應得卹典仍著該部察例具奏欽此

諭祭文

升華中禁風咨碩學之臣分秩冬官遽失  
通材之選惟夙夜永懷寅亮迺始終克荷  
恩施特賁彛章爰頒奠醑爾表曰修品學  
端醇才猷敏練西清簪筆躋丹地之深嚴  
東觀紬書領青坊之著作倮直則卿雲復  
旦時矢賡歌筦樞而嘉禮祥刑胥資翊贊  
華班洊厯銓衡共樞密兼參寵命頻加戶  
版與倉儲交領表風裁於京兆揚職維勤  
籌疏濬於河渠宣猷攸賴崇階特晉正宮  
秩之方加疾疾弗瘳竟尚醫之罔效淪徂  
見告軫惻良深昭寵數以敷恩錫休稱而  
予謚澤施窳窳禮備哀榮於戲疇若予工  
前席想良謨之告丕嘉乃績重筵逮幽壤

之恩維爾有靈尚其克享



外國... 在... 國... 其... 其... 其...

御賜碑文

朕惟六官垂事典允懷翼贊之謨中禁列  
詞臣尤重老成之望緬分猷於卿月勤勞  
夙凜在公褒往績於龍章寵眷永光奕葉  
爾原任太子少傅工部尚書表曰修品著  
端方才優幹濟入承明而橐筆文藻清新  
履端尹以摛華風裁峻茂庸升秘閣旋襄  
戎政於中樞進貳銓衡更筦度支於民部  
素諳河務朔南嘗藉宣防俾理倉儲出納  
總歸平準既奉公之匪懈遂峻秩之頻遷  
擢膺秋憲之嚴明刑惟允游歷冬官之正  
物土咸宜兼司京兆以揚風每與賡歌而  
侍宴奉皇華而出使屢効馳驅啟芸閣以  
謏書方資綜理式頒休命特晉宮銜何期

厥疾之不瘳即賜尚醫而罔效靈筵既奠  
軫卹彌深爰推身後之恩載紀生前之媿  
謚之文達表厥豐碑於戲隆畫接於槐階  
雅度猶思曳履煥堂封於馬鬣新綸用勒  
貞珉貽爾嘉聲昭茲來許



貞珉貽爾嘉聲昭茲來許  
軫卹彌深爰推身後之恩載紀生前之媿  
謚之文達表厥豐碑於戲隆畫接於槐階  
雅度猶思曳履煥堂封於馬鬣新綸用勒

水由地中行南  
北勢殊異南土  
勤溝洫鮮害而  
多利北方盡平

衍利少害常致  
素旱澇偶逢畎  
澮總棄置比年  
夏秋澇乃見澇

波積蒿目乏良  
才屛命疏消試  
震復稱海不受是  
誠無別計嗟

我災黎視尔頻  
受沴相與待天  
時益用垣慙愧  
費帑与截漕十

亦一二信處知  
天津壩洩潦實  
遲滯重臣令馳  
往愬吏亟抵罪

三

導宣入海河涸  
壤已耕墮文大  
釜底形難較津  
南倍印今此愁

旱而波仍望雲  
然盡一分力  
獲一分直緇衣  
分疇涇漸有可  
耕勢此均治標  
榮末為探本義  
豫省及上江佳  
年稔每歲夢麟

與汝修承旨克  
奏績馳驛台來  
系斯實為民基  
投報非窳情寧  
宜願浮議輕車

五

汝其獲宜房汝  
其筴集思見母  
執周視勞母亟

委如輪，必源尋下  
醜求高，自功安  
在人為守株兔  
安心孰急且先

六

圖孰緩宜後治  
孰雍宜剔鬻孰  
澤宜讓棄代賑  
防中飽舉事懷

抑垣勉汝永遠  
謀副予勤求意  
命裘曰修踏  
勤直隸積水  
疏濬事宜詩  
不板概得三  
十額印書以  
賜癸未清和

出草

在咸便柯

車投豎罔未霍然欲

乞水衡門權解職可

忘若所編解



宋板板得三

十類序書以

已發發未傳和

腹因應食減便之何  
事投臨固未霍然欲  
乞水衡權解職可  
忘芸席共研篇緝  
云效力正長日我  
則憐村耒老年  
不忍善病例系樹  
還希香樹傷全症

工部尚書表曰  
修因病乞解任  
調理既不许  
詩以賜慰癸巳

清和月下  
泚筆

裴文達公文集目錄

卷一

頌 賦

卷二

賦 記

卷三

序

卷四

跋 銘

卷五

裴文達公文集

目錄

誌 說 論 策

啓 引

卷六

傳 祭文 行述 墓誌銘

贊



裴文達公文集卷之一

聖駕東巡

盛京恭謁

祖陵大禮慶成頌

乾隆紀元之八年

上侍

皇太后自京師出古北口詣興都謁我

列祖陵寢猗歟盛哉斯誠鉅典粵惟我

皇帝陛下臨御海宇凡所設施為萬世矩念尊

祖敬

裴文達公文集

卷之一

頌

一

宗帝者首事夙夜東顧懷乎不敢康茲奉

皇太后旨詠吉啓行肅將祀事遵

聖祖遺軌承

世宗憲皇帝志也

三陵翼然

神其攸宅

上廼升壇薦馨以次告祭備儀備物弗懈益虔灌鬯既

畢襄功勸忠旁逮於從龍之佐維時諸外藩王子部落

駢集踵至臣民億萬萬皆踴瞻

聖容同增感慕禮成



駕興霓旌翠麾日華雲燦鱗次關微之上蜿蜒邐迤  
駐清蹕於東都

上益周覽從容景與神會穆然遐思睨乎高矚我

祖宗經營締造之跡咸在心目

御正殿受朝

錫昇平之嘉讌

恩綸載馳中外和會廻

鑿道山海關旋京師是行也逾秋涉冬風日清朗

上召問耆民諮訪土俗

輦路所經普

裘文達公文集

卷之一

頌

二

賜膏澤在行之人均荷

惠賚農樂於野師忘其勞往還數千里如在戶闥臣仰

惟我

朝起自東土肇造區夏發祥之始實同邠岐自永清大

定以來又百年於此薄海內外都爲一家

聖

聖相承伊古無匹

皇帝臨一統車書之會百年禮樂之期揚烈觀光合萬

國之歡心以事我

太祖典盛禮崇神人胥慶是宜播之賦詠傳於無窮臣頌

者既歌詩以獻又竊以固陋之辭不足揚扆  
聖德伏惟

皇帝陛下述作協於陰陽動靜侔乎天地與詩書雅頌  
所稱美同符合節臣謹掇輯五經成語為頌十六章陳  
之黼座文章報國臣何敢云顧濡筆屬詞誠懼誠忤臣  
亦且自慶其遭逢焉頌曰

帝德廣運書繩其

祖武詩至治馨香書承

天之祐禮禮樂明備禮惟

帝時舉書以致其禮祀春秋俾緝熙于純嘏詩  
一章

裴文達公文集卷之一頌

念茲

皇祖詩乃疆乃理詩東至于海春秋邦畿千里詩肇十有

二州書罔不率俾書繼自今文子文孫書介以繁祉詩  
二章

皇建其有極書萬國咸寧易纘乃舊服書與時偕行易

霜露既降禮可以升

山陵禮旂十有二旒禮錫鸞和鈴春秋傳  
三章

時乘六龍易亦右

文母詩視寒暖之節禮悉率左右詩徽柔懿恭書德音是

茂詩內平外成春秋克開厥後詩  
四章

奠高山大川書建無窮之基書

路寢孔碩詩

神所馮依春秋傳至於

寢門外禮如將見之禮

天子穆穆詩求言

孝思詩五章

誕我祀如何詩直哉惟清書薦用玉豆雕篚禮潔粢豐

盛春秋傳既備乃奏詩簫韶九成書用能協于上下書以

爲禮之大經禮六章

帝省其山詩駿極于天詩原田每每春秋傳王道平平書

裘文達公文集卷之一頌四

盛德大業易有開必先禮美哉泱泱乎春秋傳

君子萬年詩七章

禮行于

祖廟禮濟濟翔翔禮侯甸男邦采衛書具飭衣裳禮辨色

始入禮觀

國之光易載篤其慶詩俾爾熾而昌詩八章

雲上千天易零露泥泥詩燕以示慈惠春秋傳飲酒樂豈

詩乃命有司禮大賚于四海書崇德報功書貴親而尚

齒禮九章

渙汗其大號易

慶賜遂行禮百辟卿士詩公侯干城詩行爵出祿禮以

莫不增詩省囹圄止獄訟禮刑期于無刑書

帝光天之下書受小球大球詩四夷咸賓書匪紹匪遊

詩皆再拜稽首書以承

天休書民大和會書如川之流詩十一章

乃武乃文書克篤

前烈書歲云秋矣春秋習射御角力禮三去之餘春秋以

數軍實春秋展也夫戒詩其猷大猷書湘滋來詩

天威不遠顏咫尺春秋傳詩五十五

帝庸作歌書脩辭立其誠易對越詩典日月合其明

裴文達公文集卷之一頌五

在天詩遁駿有聲詩文物以紀之春秋與日月合其明

易書丕顯哉丕承哉書求底烝民之生書十三章

祭則受福禮入而振旅春秋其道大光易昭茲來許詩以

化成天下易有秩斯祜詩煦嫗覆育萬物禮爰得我所

詩十四章

山川出雲禮雨雪霏霏詩兆於

南郊禮自

天祐之易

聖人至德而風雨節寒暑時禮冬大有年春秋

大君之宜易十五章

順氣成象 禮 福祿來爲 詩 繼序思不忘 詩

聖敬日躋 詩 乃賡載歌 書 無疆之辭 書

天子當陽 春秋

上帝是依 詩 十六章

裴文達公文集 卷之一 頌



聖武遠揚平定兩金川恭頌有序

蓋聞綏懷歸於文命而耆定厥有武功盛美用昭譜之  
鏡吹大猷斯煥鑄以鼎鐘維

皇帝御宇之十四年二月望前一日經略大學士忠勇  
公傅恆平金川捷奏至九土騰懽祥開萬里

兩宮錫慶霽麗層霄先是莎羅奔狼卞二酋者等夜郎之  
自大類有苗之弗恭絕險偷安聊成蟻聚經時緩死惟  
待鷹揚自擁麾垂統馭之機專闢鮮忠誠之節緣繩度  
索屢煩諭蜀之文束馬懸車未著籌邊之效於是經略  
大學士忠勇公桓榘策府親受

裘文達公文集

卷之一

七

廟謨侂侂元臣特膺

帝簡丹誠皎日三門騰越熊羆浩氣元雲八陣糾盤龍  
虎旌旗遙指象地水於行間帷幄高舉肅風霆於部下  
封章夜草良謀悉合

天機羽檄朝馳妙算能驚鬼膽山連雲棧不言繭足之  
勞雪積桃關益勵據鞍之志良爾吉者性眞狡兔爲窟  
多方形似妖狐依城有術經略大學士忠勇公至則殲  
諸賊界傳示諸番奸首旣誅先奪么麼之魄堅礪繼克  
益張撻伐之威飛礮轟雷則兇徒粉潰高牙摩漢而賊  
壘洞開橫玉弩以星馳直壓巴郎之境揚琫戈而電掃

早臨刮耳之崖鼠有穴而將夷岌乎授首虎在嶋而難  
負渺矣游魂所謂無敵不摧越秋風之卷葹抑亦有征  
靡戰回夏景以融冰矣爰乃椎髻斑衣束身匍匐花門  
弁服泥首遂巡氣盡析骸自分鯨鯢是斲誠傾乞命誰  
令天日重瞻經略大學士忠勇公乃敬布

皇仁三面解好生之網式宣

明詔七擒成不殺之功

聖朝之遠略方新上將之神威有耀誓深六事指海枯  
石爛以無渝臺聳千尋與日照月臨而竝求乞慈化國  
爰奉金仙作鎮蠻方願祠銅鼓以及大山獠洞水寓蠻  
裘文達公文集卷之一頌

八

陬一皆懼以

皇靈濡我

元化莫不歡欣鼓舞厥角如崩震動恪恭刻心無二馳  
書獻捷杏花飛露布之香振旅班師楊柳颺春旗之色  
在昔翠嬀舞羽兩階猶俟七旬涿鹿典師一戰尚違五  
里蕩平也如彼神速也如斯惟

帝曰俞嘉乃丕績惟臣欽若告厥成功蓋歷覽夫前編  
未足方茲

隆軌從此十洲環海咸流太液之波萬里層城竝蔭甘  
泉之樹奇肱鑿齒候夜月以歸珍蟠木流沙驗天風而

納書臣躬逢

景運職領清班敬竭固陋之誠曷勝踴躍之至爰拜手

稽首而獻頌曰

皇帝至德承

天之祐曰日以暄曰雨以澍八紘遙遙氣照體姬蠡茲金

酋敢負厥固彼昏而頑匪德攸喻太阿在懸

皇帝聖武

疇咨奮庸傅巖有相風后力牧厥德不讓邊事孔棘我

誅爰曠桓桓六師欽哉汝往

錫之熊旂彤弓交鞬于禡于社威命用享

裴文達公文集

卷之一

頌

九

相拜稽首

廟謨孔昭元戎十乘自我西郊

天子餞之金尊翠鬪百辟卿士莅班不佻乃

訓于羣帥如虎斯虓川流山苞用靜繹騷

三章

悠悠旌旆于晉之陽自隴徂川載馳弗遑雪山峩峩險

茂羊腸桃關嶽嶠舍我乘黃渡瀘伊誰我其政康下馬

率先以達於殊鄉

四章

我師旣陳光殛其醜誕告爾人民惟大義之剖乃勵九

攻高驪罔後奮我震霆重摧疊朽有凶而伏無鋌而走

悔為戎首自罹大咎

五章

易子析骸是用告哀誠誠稽顙乞其子遺相曰無赦利  
孰是期

帝仁如天服則舍之疇非我赤子蹈于狂迷其受而降

綏惠嘉師

六章

式臨崇臺諸蠻環拱來厥梁魁膝行曳踵我威我德歡

呀震悚惟六事是遵以迓

開張申于

天寵何遐何荒敢不職貢昔也紛呶今也謳頌

七章

皇帝謂相予嘉汝庸加汝章服爵汝上公曰汝造歸日

贊贊我天工豹竿揭揭天馬靡靡在彼春風言旋于東

白叟黃童歌舞率從

八章

裴文達公文集

卷之一

頌

十

五句來歸闐闐振振

臨軒受之蠻方者定乃煥其文

皇謨

帝訓勒之辟雍惟

皇廣運億萬萬年宣昭令聞遐申于

列寢載篤其慶

九章

天錫

皇帝景命溥將奉

皇太后純嘏爾常龐臣碩輔股肱之良屢豐穰穰安樂壽

康丕應後志近

天子之光繼繼承容保民無疆

十章

裴文達公文集

卷之一

頌

十一

聖武遠揚平定回部西陲未靖大功告成恭賦  
事有徵而可信言乃大而非常惟中外之共戴斯夷夏  
爲一家仰

聲靈之所暨識覆載之無涯北過天山直包環海西踰  
蔥嶺豈限流沙蠢爾諸回地連大食國不著於方輿名  
偶聞於載籍纏首卷鬚凹睛凸鼻共號之曰花門又指  
以爲回鶻今莫悉其源流古但傳其髣髴彼大小兩和  
卓木蓋諸酋中之巨擘也當夫拘於厄魯屬在伊犁力  
供樹藝之役行同僕隸之爲賴我師之采入大解網之  
宏規波羅泥都者俾歸其舊土而霍集占亦虔奉我軍  
裘文達公文集卷之一賦  
三

麾乃因初定之餘適值降奴之叛遽附惡而孤

恩轉乘機而構亂輕用啓謀敢於發難王臣被戕信使  
中斷始負固以鴟張繼望塵而鼠竄終懸首於藁街竟  
聚骸於京觀然方其跳踉絕域出入堅城怙其狡獪肆  
厥獍狴倚兄弟爲狼狽煽羽翼以縱橫蟻穴蜂窠幾有  
負嵎之象虵驚豕突儼成走壙之形以我赴遠之人當  
伊必死之虜少以待多客難敵主懸軍而鬪大礮千盤  
轉戰以前幽崖萬古我將軍氣不少衰勇猶可賈揚旌  
旄建旂鼓天日昭明山川激楚誓黑水以堅持劃深溝  
而築堡迨乎聲援之路旣接後隊之騎踵來加以羽林

宿衛之長翹關超距之材切抒忠之夙志抱同仇之壯  
懷行無繫戀意絕徘徊爰馳精石鼓銳等掣電而轟雷  
俄兩軍之既合見萬賊之齊摧藐爾么麼飛走之途並  
絕顧余虓虎犄角之勢方開於是克四大城檄諸回部  
約東科條滅除雀賦都丸頓改其威儀普爾總歸於隋  
鑄日中粟帛宛市肆之無移道上壺漿驗人心之景附  
迴憶夫阻淖旋師臨河越渡引水供軍飛丸著樹發害  
而火米先儲劇地而流泉若注以至我出險以逾亨賊  
相驚而返顧爲從古所不毛有隨軍之甘澍方清曉之  
長空起連營之大霧異事皆前史所罕聞奇徵爲衆目  
表文達公文集卷之一

十三

所共著亦可以知  
仁義之師實有鬼神之助矣粵湖集勳之始追原戡亂  
之由細維

### 睿略式欽

大猷當討罪之初已操全局在屢勝之後更具深籌兵  
預期乎塞上馬早集於道周如射之矢無輕發警奕者  
子不虛投所以慮善以行事惟成而不敗應機而動功  
有發而能收士氣驍騰軍容暇整建奇木哈什爲行臺  
聯烏什阿蘇爲近境俯碧海之龍墀眺黃沙於雁嶺三  
垂作鎮來玉水之禪王一障成關涉交河之火井彼二

曾者似駭鹿之離羣比羈禽之匿影我乃四甄竝發三路交馳踏窮邊之登相卷王庭之席其布行間之鵝鶴分闡外之熊羆由霍斯庫魯而前風雲震動搗阿爾楚爾以入草木離披素爾坦沙於是擎拳捧令慷慨援旃旣發防風之骨還輿貳負之尸露布遙傳於異域捷書早達於

京師百族來延九夷通道求內屬以稱臣欵軍門而請號計式達利之水含輝而競效奇琛嚕斯納默之書測景而恭循大造籥雲飛電入

御殿以騰驤玉果金桃倒瑤筐而燿耀以視夫苜蓿種

裴文達公文集

卷之一

賦

十四

白離宮葡萄來於遠徼獲赤雁以興歌得白狼而告廟豈可與此同日而言相提並較也哉我

國家肇造區夏撫有中原烏弋黃支咸加冠帶刀耕火耨永息烽烟有唐林邑之來固瞠乎其後矣大漢九真之獻邈莫得而稱焉惟準噶爾者甘自外於

大化久屏處乎西徧漏網者莫知幾輩盜兵者近七十年自我

皇上赫然一怒大義斯宣生擒頡利遠出居延掃空絕漠洗淨腥羶蓋意主於誅殘伐暴原無心於拓土開邊迺以反覆之狡徒有類狂奔之逸獸暫假游魂漸成逋

寇勞我王人致茲遠鬪蟣武紛拏沙蟲雜糅更絲小醜  
之颺轉獲膚功之奏定布魯特之東西收哈薩克之左  
右日照月臨風馳雨驟遍行大漠而遙遂逮回邦之陋  
蓋由阿睦撒納而及於二酋皆

國典所必伸卽

天心所不宥從其前而言之數不可得而推從其後而言  
之理固可得而究也堂堂正正喬喬皇皇典謨未遠雅  
頌聿詳九天九地之師庶其同揆五利五餌之術未足  
相方於以泐昭華之瑄鏤圭璧之章告成功於

天地叶大順於陰陽此則無前之偉烈不獨我武之維揚

裘文達公文集

卷之一

七

矣

聖天子受任

祖宗凝承

上帝念

付託之非輕思

鑒觀之可畏當八方大定之辰完

三朝未竟之事却

尊稱而有

詔匪止明謙開衆惑以

垂謨於焉警憤

治本乎揚

烈觀

光功極於蟠天際地

道原於衣德紹聞

心殷乎述

事繼

志磨天方之片石丕示

鴻文監

太學之豐碑

親裁鉅製惟

裘文達公文集

卷之一

去

文經武緯之兼權斯創業守成而一致也仰以答訢合

於

昊蒼下以暢太和之協氣夫是以騰歡海寓

壽祝無疆送喜

慈寧恩推不匱

無文螭頭筆珥美

盛德之形容極言思之擬議繫挂漏之尚多詎典章之

是備夫觀海者未可語於挈瓶之能窺天者非所望於

扣槃之智然敬舉耳目所覩記者而直言之亦庶幾乎

賦者敷陳之義

聖武遠揚西域效順

大閱禮成恭賦

粵撫中而馭外在居安而思危惟承平之既久患文恬而武嬉苟希踪於上古敢藉口於無爲無怠無荒所以揮斥八極一張一弛所以綱領萬幾兵也者不可一日而不備聖人蓋不得已而用之周禮一編詳於教閱時度旣經威儀爰設辨作止進退之規表疾徐疏數之節欲有勇而知方斯信賞而必罰列龍蛇於隊裏黃帝遺經布日月於行間軒轅盛烈我

聖天子秉玉鏡御璇樞纘萬年之寶緒大一統之鴻圖

裘文達公文集

卷之一

賦

七

脩明禮樂簡練車徒於焉

再舉大閱之典重申制治之模七曜周羅陰陽在握五行變化天地同符爰擇中冬聿

臨南苑

龍旌載揚隼旟斯建寄大號於八旗萃勝兵之十萬整而多暇人懷致果之心靜以無譁士挾摧堅之願奕奕驍騰之氣怒指雕翎英奮迅之思笑看羽箭儼如大敵之臨突作無前之戰

上乃躬擐金甲手挽瑠弓風鳴耳後月滿懷中箭疊雙而中鵠馬縈拂以知龍光吐虹霓擬妖星之淨掃氣凌

河岳見宿霧之皆空熊侯罷陳鷹臺在望  
黃幄雲張錦旂口漾大纛分行和門立仗乃拾級而畢  
登俯郊原之空曠鐵衣動處爭看陣勢之雄畫角吹時  
同聽軍聲之壯殷殷磷磷浩浩蕩蕩上下無之位別還  
列千屯左右翼之齊排徐開萬帳於身雷轟大野電掣  
重霄烟生寥泚飈起刁騷衆賴齊吹蹴作三江之浪連  
環竝進湧來半夜之潮旭彩層層躍鴻鑪而鼓橐霞光  
熠熠指赤城而建標則有絕域花門窮荒勃律深目睢  
盱纏頭崩劣通拜跪以擎拳襲衣冠而繚綵與觀  
大典阮口誦而心維親觀

袁文達公文集

卷之一

賦

六

皇威愈神驚而膽怵原其始也不知震旦中隔伊犁圖  
繪空傳種似同於回鶻方輿難考地更遠於波斯自漠  
北初平乍通聲教迨海西既定始譯文辭時則沙蟲未  
化鵝蚌猶持望我軍麾值游兵之采入恢予

天網解兩部之交綏遂招鄰而挈族竝稽首以陳詞哈  
薩克之左右布魯特之東西矢心內向接踵來歸

聖天子許以投誠嘉其慕義憚之以威綏之以惠因宏  
柔遠之經俾就陪臣之位此乃史冊之希聞而從古治  
朝之僅事又況翠羽聯纓黃衫接袂降王之長執轡親  
隨屬國之罕帶刀入衛斯中外真一家而華夷無異跡

載筆之臣所當就覩聞而竝記者也繫惟前代遠溯漢  
唐用兵亦屢厥典用詳究軍農之分合論府衛之弱強  
爭談兵於紙上等築室於道旁揆諸二十四旗之制輔  
以四十八家之良星羅碁布綱舉目張總遐哉而遠邇  
曾莫得而相方至於火器之精弓力之勁童而習之孰  
敢與競塵清有截盡雕題鑿齒之鄉化洽無垠統火耨  
刀畊之境蓋旣安而求安實以

聖而繼

聖

上迺撫茲極盛翼翼乾乾心殷法

袞文達公文集

卷之一

賦

九

祖道在承

天念創業守成之一致竝文經武緯而兼權益憂勤於宥  
密時流露於詩篇維持盈而保泰必智周而慮全矯矯  
戎行巍巍

國步當內外之咸歸識天人之交助栽培傾覆適與物  
以無私取亂侮亡只因時而順布先震之以雷霆繼濡  
之以雨露於以安天下之民非逞赫然於一怒也聿舉

隆儀求荷

嘉祐

臣

忝班聯罔習典故隨豹尾之後塵侍

龍顏於西阼執簡而書敬成斯賦

聖駕南巡恭賦

王者之仁以必世

聖人天下為一家

聲教通千百國以外輿圖闢二萬里而遐承

景運於中天協時正日法

鴻儀於

聖祖復日重華是訓是行箕疇斯信一遊一豫夏諺非夸

大典攸隆

四巡爰紀敬奉

金根載臨

裘文達公文集

卷之一

賦

三

玉趾春添閏歲數花信以更番雪霽荒郊浥行塵而似  
洗峩峩岱色近列屏山森森江流儼同帶水路遵東魯  
嚮來之馳道依然境入三吳到處之輿情宛爾南朔會  
通之地述職為多淮黃交匯之區

疇咨亦屢風迴兩岸息高浪之礮破漲減前痕驗平流  
之清駛則見夫青鞵曳纜黃頭刺船平山迤邐瓜步連  
延金焦兩點鐵甕孤騫闔閩城外泰伯祠邊父老兒童  
瞻依不遠家人婦子問訊俱前舊侍鸞班有八旬之詞

伯

錢陳羣

重扶鳩杖來九十之詩仙

沈德潛

爾乃錦鱗乍躍

白鷺方牽雉纜欲雒蠶甫成眠秧針冒水茗甲籠烟芳

颶麥隴靈雨桑田傍石門而曲轉溯風颶以徐牽迂  
霓旌之淡蕩進鷁舫而沿緣廼有明湖激濫勝蹟嬾媚  
六橋似畫一鏡長圓駐

慈雲兮晝未對韶景兮春妍

天子乃却艫臙憑岵峩

勅波臣驅海若指出日於樽桑凌強潮之噴薄

躬按輿圖

親爲相度引大溜於中壘納奔沙於巨壑波澄萬里鯨  
鼉之故穴潛移隄立千尋蛟鱷之狂瀾不作本計莫先  
於民事

裘文達公文集

卷之一

賦

三

豫動允協乎天行蓋問俗觀風均關政要而籌河防海  
更仰

權衡至於

賜復蠲租

殊恩最渥省愆宥過厥罰維輕訪者舊衣冠之裔增故  
臣松楸之榮

錫賚遍加於黃髮員名更廣夫青衿召試集合香之選  
稱詩羅載筆之英在他時以爲異數在此日以爲常程  
懿夫養

歡問

安視暗溫清必親寒暄罔憶浞池之覽勝輒改丹梯

趙北口州火 樓觀恐勞登陟乃令改作 上以舊係 及德水之維舟暫虛行殿

后出安流北進 次日起行遂仍於水次駐蹕即二事 上陸路應詢行宮因 皇太 慈訪

仰見 聖思之無微不至如此 惟視聽於形聲之

表纖悉無遺斯周旋於禮度之中從容盡善且此行也

願萬方獻

壽之同忱體億姓祝

聲之至願又非徒嶺山水之清暉供風雲之壯觀而已至

如詩無廢事動不勞人章疏必經於

裴文遠公文集 卷之一

三

乙覽贊見不異於

撰寫拔萃列貌貅之士蒐良而熊虎之臣申黜陟於羣

吏考殿最於盈廷紀綱在握惠度是貞庶務具舉舊章

用遵又何嘗以

萬幾之清暇而有一事之因循也哉嘗夫廻權緣臺揚

鞭鍾阜遐睇古今高憑宇宙金粉全消石頭依舊梵刹

參差丹臺左右接三楚之風烟多六朝之締構凡幾度

之登臨又重來而邂逅泊乎越洪澤之重隄指黃茆之

古岫芒碭攢陰雲龍拱秀迤霸業紛紛紜名都今輻

驂星日騰輝雲霞列繡五色相輝 旋 摩 義 踴

或前韻之會括者無新題復

天象之立就是不獨橫汾之曲對此多慚抑且大風之  
歌方斯爲陋矣

袁文達公文集

卷之一

賦

三

聖駕巡幸天津恭賦

謹序

臣謹按漢書溝洫志言西北者校詳凡以利上都奉穗  
稔猶禹治河先冀州之義也我

皇上勤求民莫脩序府事江浙河海諸大工

親臨指示平成求賴而天津匯河淀入海又次第增繕

隄插當

翠華南幸時水陸異程左輔蒼生未慰殷望茲於乾隆

三十二年二月己未

啓鑾越三月庚辰禮歲上以述

兩朝治水營田之事次以飭諸司導川滌源之方下以答

褒文達公文集

卷之一

賦

五

兆姓瞻就

雲日之隱一舉兼美景鑠無極

德恩所溥僉出望表臣竊念皇甫謐謂賦者所以敷宏

體理其物土可披圖而校其經制可按記而驗用敢觀

紀

盛典爲賦一篇拜手稽首而獻焉其辭曰古稱授時順

鄉固明堂之上儀哉侯邦曰同王封曰圻將頒常而度

方胥布和而詔司宣陽之所乘循郊之所議叶盛乎哉

跨唐軼漢三代而下其孰能與於斯廼作頌曰

聖人御宇

醜化郁被既優渥焉律中夾鍾

駕言巡守津柝木焉

嘉惠農民俾十賦七經御宿焉遂蠲夙租自邇覃遠遍  
甸服焉首善重學增弟子員使加迪焉方春緩刑減  
軍流等庶刮垢焉言灑者塵展秩文武言肅者隊如  
犒軍伍迺賚絲粟曰介胡者焉迺緩鹽牢曰裕商賈迺  
度工師曰給行籟迺贍權郎曰埽鳴鴈斯時也樹聲若風偃令若草  
近光爲之鵲喜逃聽爲之鳧藻彘者朝

陵而

裴文達公文集

卷之一

賦

五

駐陪京陽嶽而歷江表

清問所宣澤不加少然而迎暄者罔間脩樽之暉涵潤  
者弗殊靈解之廣也

皇必世而興仁其熙乎與春俱溫者

典尤曠也

皇所過而觀化其浩乎與海同流者

德無量也粵稽天津之地爲股肱郡夾輔

帝京上極河界之精下料冀域之形外括登萊內控滄

瀛倚虛白而重阻枕漳衛而交縈萬棧競輓綱以馱銜

一 大都會匹衣挈領其防禦之隘與天府乎執均

作之朕與泥塗乎利羸震隅有大海焉崑乾倪埤

橫出曰渤壅沙亘暝如闌限闕藩陽通糴而蛇轉旅順

效費而帆達逆流上潮灣碣怒洶叶厥名海河微禹不

伐迤西之瀾五牖膠轄白塘雙港何圈賀口爰訖東關

夾蔭檉柳在納沃而吐鯨屹扁半而門陡冬濟汲乎渫

清夏閑漲乎淵藪營田所資誕降黃茂叶若迺滄流自

西遠跨雄鄭鴻洞四吞九十九澗鄜亭所論記室所賦

掘鯉較尊紛葩踏駁述誦易眩叶洎歷夾河鴻溝宛分

瑤流澹泚下趨海津滌灑泮泆洳洳泛泛叶宋遼塘灤

之遺遣遣存焉淀之南介其河子牙竹箭湍悍上洄漚

裘文達公文集卷之一賦

沱滄溢所磅礴滅沾所淪渦迨入參戶鈞臺鬼峩象已

高於建瓴水已渾於滯沙格堤蜚螾百里東下叶於時

居河麋者今以爲桑麻夙以爲黽畫徒以義圖得位趙

癸燕壬川在北而稱河淀就淺而匪深辨土穀之豐確

仰

宵盱於至誠彼河有清口之漉海有中壘之活叶一再

三四

帝車泣南叶軫溝壑若已推俾澹菑而灑沈然而遄返

皇州東沾西沾恐紆水郵雖歲見吏民而左輔未邀

豫遊雖力致溝洫而廣聽弗如

覽周厥有款款喁喁踟踟踈踈叶周頌之方對時而夏  
諺之言侯度者咸抱至願思蒙

大庠

天子乃以強圉大澗獻如月吉朝告

康出陽郊導華輶樹青瑤大丙先驅通旃上捐兪騎簡  
而斯備穆羽繁而弗囂輻輳繞獵以度桑乾之橋渾流  
乍澌波稜焱急土膏滲滋晴綠在麥畊犁扶其阡馱筥  
載其陌紛總總兮祇迎

詔勿訶而勿斥一以見觀民之政一以示劭農之法叶

爾時猶未按夫淀池之籍也紫泉泓然圓湖鏡涵梁虹

裴文達公文集

卷之一

賦

三

磯魚風景半參入淀匯沽脉絡載論叶馳道三舍言垂

燕南攬飛橋之廣惠曰昔十二閑之所趨趨而茲行出

其下者奚潭潭也十派一尾餘漉滉潏源西委東商摧

名狀攢蔣蘊藻秣其底烏陵丹葉冒其上鵲鷓鳧雁翔

其閒魚蝦稻蟹蕃其竟叶撫陰陽之藎敷增氣象之沉

碣金門盛泄是爲中亭鑿南崖之悞鑿浸牝牛而怒并

母量弁而受侈

訓隄使使秉玉衡遵玉帶之濼洄緬馬村之漫渟歲歷

癸甲汙萊選耕三圃四圃農夫有慶叶以告大窪之奠

以報上熟之登

泄觀子牙疏鑿既周載指章武載迢漢舟葦蘆作蘊翠  
痕被洲峴五兩而颺微曳百丈而波柔山梁協性淡乎  
相遭叶船燈九華

勅罷勿畱將稷事者援掌故協元已觴泛洛劍捧水觀  
智者之樂魚敘切斯值楫之之淠彼柳含碧而拂窓梅灑

墨而映几異水嬉之致娛慰  
問俗之得所叶既弭節乎水營晒高城其霞起綺圍四

鬪夾道影蔓水陸所湊三輔太半語其殷振則袂幕雨  
汗肖共謳歌則擊轅吹管叶潮音往迴海光湧現金支

翠旗花雨四譜於是乎

裴文達公文集卷之一賦

六飛載秘並馳驥以至瀛裔少城所亞鶴列賁伏組  
練效川光懸瀝轉坤勢其傾固也本諸倭所夙避其詰  
武也亦三衛所弗反叶海色澹淡海波瀰汨龍貝所堂  
沈溲悅名以王百谷而控清引濁

御碑高揭乎日月以焚萬竈而鑿池曬滷權政獨殊乎  
揚粵時迺成民致神禋秩告徧方有事於向若旋作廟  
而祀淀三塗開圭幣贊粟主闕桂旂引叶丹楹縹瓦神  
景若瀾華實之毛藉以滋帆檣之輪藉以轉叶舉不可  
廢典不可慢且夫行郊乘春固

穀卜所籲

恩也康功田功實

祖烈所紹衣叶也披石渠之所紀仰

王輿之肆覲叶析故道於九河辨稗說之苞淪距畝則萬

壩雨集經野則百堵雲屯勸農之

語頒爲貞珉治河之經勒爲觚編蓋若此其勤已惟是辰

有易躔地有改利土田肥瘠從乎人泉流疏塞因乎時

叶元會聿周是用

履視隨浚微乎

屬車送颺颺乎桂柁賈安其屬毗守其耜腴腴當敬

薦民事然且披黃圖審格隄一灘一莊靡闕弗彌紆徐

裘文達公文集卷之一賦五

容與經乎潞湄攬二流之湯湯計節宣之是資截以堦

堰椽以拄搆坦以灰工震蕩悉治雖興濟捷地之介居

衛河者工作弗以虧坐照弗以遺

巡禮憲矣

蒼旂返矣爰乃濬斷港之源徑上林之苑

覽團河之週遭入清河而瀾浼叶雅詩以靈囿歌春令

以蒐期典前遮後要陸離駢衍擗虎落拉熊館兔迹鉞

狐風緝官庖弗盈數實中選樂梁騶而官備嬖幽鑄而

武纘遂還朝乎

嘉慶而於萬叶記里者九圻不越克期者兩旬不踰繩以

祀武則羣仰

嘉謨叶律以民庸則成服先疇叶嘉祥之所酬酢誼聲

之所涵濡

天子且齋乎有思晬乎有愉勤施緝熙惟懷永圖細若

溝澮鉅若泥濶觀風而校華樸喜雨而占潤枯

奎畫所揆吐詞爲謨夫寧獨釐鈞玉於姜牙黜瀦水於

承矩軫祠宇於國醫迺尸祝於邑簿讀者如淵龍躍而

神彩耀春霆響而潛蟄駭叶也當此之時家給餽稻之

養戶誦鑿井之德以沃土升沮洳以上田化廣斥雖刻

裘文達公文集卷之一賦

三

王之唐遊刊槎之夏績以古方茲庶可識焉猶舉一而

漏百也

望駕巡幸天津恭賦

瑤圖叶璇運臻

鄧治洽

大化醇有舉必書無事非民五百里曰甸服歲二月而東巡將觀民而觀海迺

時省于天津原夫天津之爲域也古曰漂榆之城星在析木之次裕靈長之坎德居郊圻之震位南北以爲要衝舟車之所會萃萬家烟火千條井遂旣庶且繁固所稱膏腴之地也其地裏引諸河表控巨海乾苞坤括日精月采澹恬波而一碧生廻瀾而五彩文登南睇吐蜃

裴文達公文集

卷之一

賦

三一

市之虛無旅順東賊浮螺峰之峩崹直沽爲衆水所出海河爲萬派之匯有沙中橫如闕斯在其注之者蓋經流三焉亘萬古而莫之或改南則衛河渠名永濟源衛輝而漸袤界武城而來隸瀾迤乎德景之墟潏潏乎滄青之滢迄乎郡城之北道海河而東逝北則白河亦名曰潞發滴水之懸崖穿石塘之嶺路徑懷順而猶隘挾通滸而漸怒潮沽榆沙通惠所注趨東南而合衛惟直沽之奔赴其中淀河距郡五里自河頭而灌輸束諸淀之浩瀾溯厥上游紛莫可紀四百里畿南之流七十二

清河之址或瀉或瀦孰淤孰徙難定稱名莫窮年紀更

受未定之河古爲桑乾之水金龍池之潰出散若干  
看丹口之分支背若兩已由霸易而西南是入淀所自  
始若夫子牙兩河滹沱之委經龍華之橋越馬村之澗  
或入石城或入文爾際四呈而北折達三角而東指皆  
由淀以歸海可按圖而條理者也懿哉我

皇之治水也秉

大智炳

神謨順自然之性協立應之符區衆論之同異厘

乙夜之勤劬稟

機宜之

襄文達公文集

卷之一

賦

三

親授戒奉行之罔渝故能清晏之祥過告平成之績永  
敷猶復法

相時巡

躬禹載而

莅堯衢爾乃乘陽春涓日吉

天門詠蕩

法駕始出颺芝蓋之條風披彩旂之瑞霧綺陌花繁芳  
郊草茁七校景從而歡生千官翊衛而喜溢邁凹字之  
崇城駐紫泉之

清蹕襟瀛帶鄴日下無雙趙北燕南地形罕匹昔

南巡所履經重瞻

雲而就

日既而放畫鷁泛仙鳧蘭舟傍岸桂楫首塗迺計程於  
水驛進安福之

御艫鞞文細感練影遙鋪雁齒紅橋斜拖翠柳鴨頭綠  
水半約青蒲鱗舍漁莊村村入畫鷺拳鷗翼色色堪圖

度靈辰之巳日移

丹仗于丁沽跋前旌而雀躍依

鞏路以鳧趨篠驂互引鳩杖同扶節近清明入市之飴

薰徐度候過春社沿畦之田鼓相呼帆轉西沽乍飛

裘文達公文集卷之一 賦

三

仙權舟迴清潞漸近

皇都遂乃揚和鑣循

南苑憩

翠鸞停

珠噫神皋曠其迢遰陸海沃其緜遠豐草廣場長楊平

阪行甸獵於

榮籩講春蒐於芳畹琴蓼襪以肅肅紛總擗其宛宛肆

盛典之咸昭告

禮成而旋返斯舉也以

壽水利

睿慮周詳務變通於成法加斟酌乎舊章裂玉帶之澄  
帛括金門之土囊過中亭而紀事永示戒於宣防三灘  
水遠千里隄長族雲垂而中斷臥虹亘而忽藏土覆簣  
而終虧爲山九仞波齧斥而何緩在水一方  
命鳩工而集役續格淀之相望

覽五牖之鱗比受諸坡之蒼茫雖功資乎啓閉賴時若  
之雨暘登高臺之縹緲

臨遠海之滂洋扼廟島之門戶通畱都之帆檣衍蘆田  
於瀛裔曝壕水於鹽場河彼流水有港名筐以塌淀爲  
盦徑濟北運之舟航添春流之尙涸洩夏潦之方張計  
減壩之尺寸量引河之弱強導坦坡而漸下順水勢而  
有常鳳河之尾清河之陽清輪渾刷資用孔彰益澄波  
而建瓴疏斷港之濫觴皆行其所無事

親指示于周行以厚民生慶賞遂行稅免三分之供浦  
蠲巨萬之征

賜爵官吏增額膠鬲  
頒粟帛以優老廣餼稟以

惠兵饑賦則按綱而紓課烝徒則計日而加贏  
發內帑以庀事罷鐙船之來迎喜鷺序之重瞻錄瓊罔

棄拜雞竿之肆赦宥過惟輕飭祀典以馨薦答神貺之

昭明視南野之佳例彰

遊豫之恒經況乃揆

奎文摘

天藻羅義娥於毫楮納造化於懷抱理因小以見大言  
節物而寓道靜協性而與佳風播醇而是葆戒省事之  
偏勞執用中之可寶羣言因之而

折甲百籍無煩於搜討何承矩之愛國遺策空傳酈道  
元之注經古名孰考沙飛控鯉語豈多誣村古釣璜跡  
原臚造橋邊老簿之詞隄畔醫王之禱莫不窮學海之  
波瀾瀟詞源之渾灝者矣於是

裘文達公文集

卷之一

賦

壹

聖情揄

天顏懌維大有之豐年實太平之上策翠剡剡兮春牟  
浪油油兮秋麥化斥鹵爲溝塍填長波爲阡陌綏豐已  
屢孔萬且碩治河發水衡之錢免漕除司農之籍倉箱  
餘乎三九饗飡樂乎朝夕今年風雨時和氣積史告嘉  
兆農歌甘澤斯所以遊聞夏諺秋助斂而春省耕慶舉  
局巡田野治而土地闢也哉

裘文達公文集卷之一終

裴文達公文集卷之二

恩賜

御製文初集恭賦

謹序

臣惟一畫由義吳始開百篇以唐虞為斷惟堯為大乃  
煥文章若禹有謨曰敷文命盤勒日新之字几書敬勝  
之銘然而四代典謨類出紀言之史數行述作未窺載  
籍之全惟

上聖之生知爰

大文之不懋

詩篇載輯遍仰

裴文達公文集

卷之二

賦

高深

文集初編復徵

美富分臚三十卷晦朔弦望全彰日月之輝計帙五百

篇堯舜湯文數合見聞之統藏之延閣

頌及廷臣一天之雲漢為章五夜之虹光上燭

珠殿夙服臣趨承

雅言分捧

琅函獲窺

彝訓天地所以為大文章可得而聞敬盥讀以再三冀

抒情於萬一爰拜手稽首而作賦曰

載道者文立言者

聖涵萬有於簡編正羣生之性命集經經緯史之成軌  
五典三墳之盛形諸翰墨則爲

聖人之言見諸經綸則爲

聖人之政允嘉惠於無窮咸拜手而稱慶道之大原首  
在敬

天凜鑒觀於蒼緯矢惕若於

昊乾和應告風之版誠孚禱雨之篇卻

徽稱而標信

天主人之旨銘座右而致對

裘文達公文集卷之二

天惟敬之虔與

天地合其德乃

謨訓所以宣治之大本莫先尊

祖綜作述於

五朝垂憲章於萬古讀

聖訓

實錄之序治美重熙讀

安佑

雍和之碑慶隆篤祐序

諭旨而道本紹庭跋

御書而光垂册府丕哉承丕哉顯佑我後人見於羹見於  
牆繩其

祖武

孝治允篤大哉三修百外名宮五山論外辭讓開文命  
天文以攄敬奏賦於

萬壽美作頌於九如以銘  
壽安用舉觴於梅席以紀掖

簞奉遊豫於

安輿地是布金偈依般若屏為刻玉文演連珠凡點筆成

文之妙皆問

裘文達公文集

卷之二 賦

三

安侍膳之餘洋洋

聖謨煌煌

聖治敬恭

家法念為君之至難折衷羣言洵守成之不易倣四箴以

範七情本九疇而演五事贊分闕里之十銘垂宮殿之

四凡文章道德之大成皆精一危微之極致聿紀

鴻勳爰昭大定三刻石於泮宮五泐銘於絕境開感論

所以迪愚蒙西域志所以正史乘疏準夷全部之紀略

著西極地名之攷證酬庸寫像贊炳紫光紀績鐫珉碑

崇實勝功成而不有語必尊

天言大而非夸詞惟傳信煥乎

制作因事以章赫矣

聲靈非文曷稱至於

時行歲舉

睿製頻頒長城說明在德之守

盛京賦述創業之艱浙水

省方作記六和之增清涼致

祝勒碑五臺之山浮玉江波之上田盤松石之間賦冰嬉

以寓軍制賦哨鹿以肄戎班凡遊觀之有作皆政治之

攸關揆藻摛文垂法立制大一統以誌輿圖明五刑而

裘文達公文集

卷之二

賦

四

序律例禮器成圖傳寶有記續律呂之正義逮乎傑侏

兜離定儀象之考成達於日甞月竈堂標韻古樂乃同

和詩敘瀛臺宴以示惠爲萬禩之常經信千秋之鉅製

惟勤民事用仰

天章占時而課晴雨勸相以憫農桑浙海畱迎神送神

之曲中州論均水蕩水之方歸底績於

神堯祠名惠濟媿成功於大禹記閱海塘治郊畿之周道

成涿水之輿梁凡遊無弗舉而文靡不詳表章經史作

述聖賢

親制策於

廷試發

御論於

經筵以道性情圖毛詩之全部以嚴筆削序綱目之三編訂三禮之義疏而諸家釐定春秋之直解而大義宣詩醇文醇示菽林之標準諸經諸史煥

乙夜之丹鉛萃羣書之壘壘成

聖學之淵淵論世知人證今考古恩不可濫史失實於孝文善貴從長世獨苛於光武論唐太宗魏徵之事明甘酒爲厲政之階論范仲淹富弼之事明面欺爲治道之蠱論荀彧之事以爲人臣之防論徐積之事以爲人

裴文達公文集

卷之二

五

子之矩讀匏葉而名物之不遺讀公羊而褒貶之有取茅山之譌可正泮池之疑可補直稱懷鶴紀事者誣技擅穿楊過信者腐此固樹義則鉅細之咸羅稽事則洪纖之畢聚矣至若論居要以括衆言說執中而兼諸美記以綜本末之詳序以賅撰述之旨碑鐫金石則禹牒之辭器寓箴銘則堯戒之理賦地負而海涵贊雲屬而波委斯又陸機之述文賦難罄揄揚劉勰之評文心莫窮涯涘爾其劄氏旣蕨儒林共欽展卷而麝煤滴露分行而薙葉垂金

天上函開燦若珠光玉潔人間紙貴珍逾至寶殊琛旣

九擗以敬奉競三復以紬尋於是挾冊者希光操觚者  
分照羣彙入於鴻鈞含生歸於大造惟淑心於

聖言矢眼膺於

至教仰

睿製之爲章被

奎文之有耀擇精而語斯詳理足而物畢肖百味之而  
益腴千思之而不到詣已絕於思維杳莫探夫奧突臣  
以愚蒙叨塵

清秘日侍

彤庭身依

裘文達公文集

卷之二

賦

六

丹地旣漸閱夫歲年輒仰窺夫一二竊私語乎同官敢  
敬告於當世我

皇上萬幾有暇對鈿几於書林

六御時巡發芸編於行笥旣千載之在前亦萬象之皆  
備以六籍爲陶甄以百家爲驂駟以韓潮蘇海助其波  
瀾以賈茂董醇供其肴蔽單詞隻句亦入搜羅十篋五  
車均資蒼萃此實由於

典學之勤非盡繫夫

生知之粹若夫孕項苞軒超姬邁姒廓有截之

鴻規啓無疆之

郅治越昆命泛濛汜荒服臣遠夷至莫不置尉設屯分  
符命吏以故登風俗於版圖列遐陬於職志四極近於  
戶庭重譯通其文字在前哲徒侈爲美談在此日則徵  
諸實事固宜其鄭重分明不比於鋪張揚厲卽英君詔  
辟未易涉乎津梁豈學士文人所敢輕爲擬議惟

學問基於宥密而

功業極於焯焯是以吐納今古翕闕陰陽神倅動靜語  
叶宮商疾徐高下進退抑揚或詞恢而律細或節短而  
韻長或肅穆則商彝周鼎或馳驟則陣馬風檣或清極  
一輪之皎潔或麗同萬卉之芬芳或凝似岱崧之翠嶽

裘文達公文集

卷之二

七

或浩如江海之汪洋鏘金聲而玉振翩鳳翥而鸞翔繫  
左宜而右有又規圓而矩方至矣乎羣言之總匯大矣  
乎天下之文章快初集之先覩知續編之未央旣書而  
讀實走且僵其又何能盡

覆幬之廣而繪

日月之光也哉

恩賜和闐玉恭賦

懿夫和闐之爲域也是于闐之舊國自博望而初過古  
名瞿薩又曰煥那涉婁羌而北指歷姑墨以南瞰瀛海  
西流而浩渺皮山東接而崑崙司馬遷誌多玉之山高  
居誨紀撈玉之河在往代爲絕域傳疑信而殊科方今  
以濛汜爲吠吠以崑崙爲郭邑以鹽澤爲堂上之坳以  
蒲昌爲井間之汲屯田吏士肩春雨之犁鋤帕首回人  
荷暮烟之蓑笠疆里相連版圖久入六城竝峙居然戶  
闐之遊萬里非遙長見共球之集肆舊稱其未改部號  
和闐因物產以得名河流哈什夫其東西偕注烏綠殊

裘文達公文集

卷之二

賦

八

方方流記折磻岸生光如種藍田之畔如積元圃之旁  
如流膏於稷澤之陰如取英於崑山之陽瑤擬垂虹不  
誇和氏多堪抵鵲直是崑岡環玉隴哈拉之間數百里  
皆產玉之場也蓋昔山澤隩深萃而毓地靈之秀於今  
風雨和會出而應

泰運之昌采自新疆來從驛路馳蔥嶺之夕陽入玉關  
之外戶夜光過處樹枝之水騰輝暈采浮時計式之波  
委素沙磧雁飛危厓繩度縱大章而橫豎亥孰計其程  
雙曰珽而十爲區莫窮其數同虞廷環琯之來邁禹貢  
球琳之賦於是陳諸丹陛列在彤墀熊羆乙乙磊磊離

離理縝密以結體性溫潤而含姿價連城其可擬光映  
日以堪窺昆刀火布不能逾其遠懸黎結綠不能媲美  
奇匪遠物之可寶美

至德之在茲爾諸臣有同慶也

予一人其大賚之時則玉殿雲開玉階花擁雙手而擎  
九拜以奉宮函裁錦遙從  
螭陛攜歸爐篆飄香競羨鵷行接踵千尋之寶氣遙生  
一片之虹芒交拱頓覺榮逾萬鎰都言臣遇之隆是其  
直等千金同沐

君恩之重清越其聲廉鄰其質碧宜刻楮黃侔蒸粟白

裘文達公文集

卷之二

九

擬截肪黑眞純漆信三河之嘉產乃五色之相匹懷中  
圭璧方經丹水初迴

天上雲霞如自寶由新出共有璿枝玉果分得

盛時不同面藥口脂頒來元日而臣謬荷

天恩適叨星使身如葑菲不遺千里之遙歸捧琳琅已

拜

九重之賜更異數之得膺感

隆施之下被是舉也一以示

惠之周一以昭

德之致助臣心以潔白之操勵臣節以堅貞之義謹拜

手稽首而言曰臣聞玉足以庇嘉穀其斯爲豐年之上瑞

裴文達公文集

卷之二賦

十

避暑山莊賦 謹序

雜我

聖祖仁皇帝歲時避暑肇啓

行宮以爲展義舉法之地我

皇上欽承

祖制率由舊章靈秀所鍾堂構斯在邇者奉

勅纂熱河志 臣得預名編摩竝蒙

賜遊山莊識其勝槩握管之餘敬

奏賦一篇昔班固賦兩都謂折以今之法度茲所稱述

實遠過之若夫揚雄長楊何晏景福徒侈離宮別館壯

袞文達公文集 卷之二 賦

麗瓌奇固不足與語

聖世之上儀

熙朝之隆軌焉其詞曰

皇居有那

帝道無外扶輿之所磅礴風雨之所和會應箕尾之躔

拓興松之界擁

神京爲屏障臨上塞而襟帶秘珍貺於千秋啓苞符於

兩大爰相爰度不著不蔡闢

避暑之山莊爲萬世所末賴在昔

聖祖仁皇帝之御宇也握寶籙應瑞符撫八荒如苑囿周

四海爲康衢垣規太紫星拱辰樞觀屏藩之五玉鍊菟  
狩之三驅我

皇上繩

祖武奉

慈娛式是

靈境厥爲  
仙都所以垂燕詒之

大業而昭繼序之

鴻謨也爾乃闢地廣衍據勢高明松棟雲牖秘殿崇閔  
烟波致爽芳渚流清雲山地勝石壁源傾風泉入聽遠  
裴文達公文集卷之二

賦

三

近有聲岩秀水芳之竝美暄波暖溜之交縈天宇之懷  
咸暢雲水之態相生乍可延薰仙人琳館眞成無暑天  
上瑤京山從四面風來萬壑夾雙湖之澄泓枕雙峰之  
峯粵南山之積雪未消西嶺之晨霞互薄鏡水雲橫鍾  
峰日落岸如虹飲磯觀魚躍喬木啼鶯長松唳鶴梨伴  
月以溶溶蓮映日而燦燦甫田之樾成陰綠岫之楓列  
幕波疊翠以紋生泉繞石而樂作駕月舫於中流過雲  
隄之略約欲流還在詩成杜老之吟自遠益清說見瀛  
溪之樂曲水之觴味堪尋濠濮之寓言有託若乃嚮麗  
正以立門廟

勤政而爲殿長年松鶴之徵至理滄浪之辨因如意以  
象形示般若之妙現詠靜好於風詩取末恬於書傳頤  
志有方澄觀都徧以暢遠得天眞以寧靜觀物變素尚  
在茲凌虛而善皆卽景以名標乃因辭而情見至如綺  
望有秋樂成多稼漾清暉於亭角擘翠雲於巖罅卷畫  
窓中玉琴階下菱採晚風蓮觀盛夏嘉樹毋忘冷香未  
謝臨芳曲以置墅跨水心而敞榭雲浮一片雪飛千尺  
園樹如蒼泝蘋如織移雀舫以凌波俯魚磯而坐石球  
試馬以遙來坡馴鹿而自適巖端之湧翠空明簷畔之  
宿雲交積紛異景之畢臻咸効奇而呈蹟於焉成不日

裘文達公文集

卷之二

賦

十三

之功體自然之致藻績毋庸華飾不事天造地設之奇  
知水仁山之備

璇題高揭三十六則景合乎洞天

瑤管重標七十二則數全乎福地若夫濡水左環獅峰  
北峙河名武列孤石猶存水合溫泉三藏相次地爲形  
勢之雄野有沃饒之利萬頃山田千羣牧騎列肆麋行  
井閭櫛比雷動雲隨風馳雨至咸於此展于邁之從識  
近光之義懿鑠哉我

皇上之避暑於茲也以奉

慈神則扶侍

安輿躬調

馨膳良辰獻

壽之觴合節登高之宴周陟數獲先進

仙廚驛路

奏書來從

行殿以勤政治則封事郵傳閣章上晉屢

乙夜之覽觀勵千官之敬慎乾不息而健行益無疆而日進以惠遠人則谷蠡君長賢王左右二萬餘里職貢之倫四十九家親藩之舊交閭列侍從虎旅以前驅捺鉢趨朝拜

裘文達公文集

卷之二

賦

古

龍光而上

壽以籌邊計則

閩澤遐敷

神謨遠邇三霄路近歲自崑濛萬樹園開地依蓬閩苑

中

錫宴人來西極之西塞夕觀燈景在上元之上以肄武

備則

清蹕暫駐

翠葆旋移鑄員獵員游之鼓誦我車我馬之詩指千里之興安天開靈囿度三程之唯口地邁周岐以省農事



述

恩賦 上下二篇 謹序

乾隆三十有一年春正月二日

詔下所司免天下正供漕米一周既三月會試之士雲

集引

見於

闕下凡得官者二千人

聖恩所遇蕩蕩乎無有涯涘此二事尤爲

曠典冬十一月 臣奉

使江南道出三輔閱汴由徐揚淮泗返逾齊魯輒就行

裘文達公文集

卷之二

去

役之間排類塗次所聞見成述

恩賦上下二篇附於采風入告之義其詞曰

有康衢之叟衣襁褓飯瓦盆侶黃犢飼雞豚愉時和而

歲稔收萬寶於倉困銓艾已畢未弛其勤周視乎阡陌

息蔭乎榆枌道遇先疇之良農而相與言焉曰屢歲以

來農事穰天膏溥時風而風時雨而雨油油祁祁覆我

下土或鋪葵乎桑麻芄擢秀乎禾黍菽麥蔚其繡鐸秬

稻旆其黃茂 叶 高原下隰糜芑秭秬簇九穗於一莖獲

十鍾於盈畝 叶 如坻如京乃倉乃庾故吾與子得被緇

廣曳絲絳履朝饗而夕飧家有餘於四鬴含哺鼓腹而

忘作勞之苦也子亦知其故而可相告誨乎先疇之農  
曰側聞

聖人在上四海淑清地不愛寶年穀順成四夷向化內  
外謐寧和風之鼓靡弗扇湛露之溍靡弗零尤重農而  
貴粟恆課雨而占晴察秋成之分數覈市價之縮贏維  
閭閻之衣食厯

宵旰以經營今春降

丹詔揚彤庭秋糧四百餘萬石下所司其勿徵蒙昨釋  
耒耜過郊垌讀黃麻而額頌千萬人如同聲故

天誕降之嘉祉錫大有以豐登也康衢之叟曰子知秋糧

裴文達公文集

卷之二

賦

七

之所由起歟禹畫九州厥貢可紀納穗納秸納粟納米  
漢二升以爲令唐兩稅之自始築倉於河渭之濱轉漕  
於洛汭之水宋定賦者二分元海運者萬里咸取饒於  
東南紛得失其可擬

國家定都

京師萬有千祀順民力因地理東豫半菽稷之征江浙  
有白糧之美三楚浮舟於長江江右揚舲於彭蠡載白  
粲與紅鮮聯舳艦而銜尾中踰乎淮之濬北達乎潞之  
涘備

天庾之正供盈高廩之儲待俸餉於是匪頒祿糈於是

供峙吾儕小人安耕鑿之

帝力急輸將之公義徵收有恆則斗斛有恆軌家餘納賦之糧門罕催租之吏斯九式之常經不圖渥逾格之湛恩而被希有之

溫旨也先疇之農曰是由

天子樽節愛養子惠兆民損上益下霽霽齋淪治河發水衡之錢和糴頒太府之緡偶偏災而薄歉朝上奏而夕報

聞緩征已責肆惠廣仁計丁口而受賑貸籽種以及春七萃所臨蠲直省之賦六師旣罷免甘陝之徵叶除南

袁文達公文集

卷之二

賦

七

邦之積欠紀

盛典於

南巡其施也優渥其舉也疊頻三十年之中動盈億萬蓋不可以縷陳維十一年歲在丙寅曾普蠲夫夏稅令民毋輸條銀茲何幸而秋糧之概免復惠我下土之人康衢之叟曰我

皇握蘿圖躬寶籙蓋至今三十年懋膺禔而受福奉介

祉於

慈寧縣無疆之苜祿醞邦治於淵微布濃化於沕穆歸版圖者重譯而來獻賚琛者數千百族洽遠至而邇安睇

家給而人是蒙竊聞之天運三十年而周星紀三十年而復聖人必世而後仁蓋奉若之道篤焉茲者景運臻符昌期協卜吉雲蒸而霽黷韶景煦而燭煜

天門開兮誅蕩蕩羽衛陳兮繆肅肅植壽扇之亭亭梟鑪烟之馥馥騰三殿之

綸言下

九天之詔牘百辟喜溢以趨鳧千官歡承而立鵠逃告九圍遙播五服按地爲程分年

予復合青兗豫徐荆揚六州周七年如信宿是蓋

天子體

裴文達公文集

卷之二

賦

九

乾

賦以養恬符慶祚以率育故我與子獲饒溢於茅檐而優霑於比屋也先疇之農曰德至矣哉是誠足以甄殷陶夏軼頊包羲迨萬年而一遇寧於古而有之載籍以來可考而稽漢文有除租之令始元有貸種之施唐則武德貞觀宋則天聖淳熙間一舉行傳爲美詞或一路以爲限或減半以爲規或經過之郡縣或年歲之薦饑其惠弗能徧其舉非其時孰若今之重熙累洽浹髓淪

肌

恩覃於有截數極於不貲意者伊古之所未有而叻見於今茲乎康衢之叟曰唯唯否否蒙昔垂髫之年卅角

之歲戲相偕以驂蓀力未勝乎乘耒維時

聖祖仁皇帝御宇三十年歲在重光大淵獻也海寓又安

人民樂利久道化成行慶施惠免七省之漕糧裕萬民

之生計迄於今七十有六年矣齒豁頭童蒼顏皤背生

長自太平之春遲暮逢

聖人之世樂歲月之悠長得再見

神孫之

德意蓋我

皇丕顯丕承善述善繼以

聖祖之心為心以

裘文達公文集

卷之二 賦

三

聖祖之治為治即茲之嘉惠黎元所謂

先聖

後聖之同一揆者也先疇之農曰猗歟盛哉維

上天同符於

聖維

聖人合德於

天隨影響之相名捷枹鼓之相宣感太和之翔洽緩萬邦

以豐年豈惟近郊而遠服豈惟江介而海壖放乎流沙

以外極乎濛汜之淵適驛來於西域告大稔於屯田粒

秋收其百倍畝歲取以十千無輓輸之勞費有困害之

堯仁今重沾兮

聖德更承

恩兮億萬斯年長與天兮無極

右上篇

華封吏人釋芒屨縮銅符捧檄而喜腰手版以趨乍離

蔬而擔祿始却斲而乘車其色有晬其容有愉逢文學

裴文達公文集

卷之二

賦

三

之博士與巽宮之老儒相揖讓而參坐偕講德於黃虞

巽宮老儒曰夫木以向春而榮魚以遊淵而樂鴻毛順

風而翔蟄蟲聞雷而躍方今四門既闢八荒式廓動植

交欣飛潛時若漸有于遠之鴻鳴有在陰之鶴取材者

既盡於杞梓梗楠成室者不遺於榱桷樞構士生斯時

沐浴日月之光涵泳高深之宅叶或分百里之符或秉

兩齋之鐸效効力而程材美無棄於瓦礫吾見子之偕

計吏上公車匪今伊昨矣胡諸公之袞袞不崇朝而印

纁纁綬若若也華封吏人曰走聞海由川匯嶽以壤臻

詩歌濟濟之賢才書紀師師之臣鄰唐虞以亮工而庶

續熙商周以籲俊而郅治殷今

天子闡珍握符冠道履仁廣菁莪之樂育宏棫樸之標  
薪羣材罔弗登進庶士罔弗陶甄一日者沛

閭澤施陽春廼

詔銓曹之長凡隸春官之倫將以展其編蒲緝柳之學  
慰其傾葵向藿之勤俾之峩冠佩鞅紆組拖紳廣厲以  
遴士旁求以惠民名在三科以上者咸得被乎  
簡掄走故獲以霑

殊渥邀

恩綸濫竿於民社而挂籍於摺紳也文學博士曰子之

藁文達公文集

卷之二

賦

三

言誠幸矣而未已也昔者三物賓興四術是砥司馬司  
徒選士造士官詔置於太宰書掌貳於內史仿古制以  
相沿為科目所自起維鄉舉之設科實孝廉之遺軌名  
溯昉於漢文制特兼夫賓禮偕茂才以同升匪生徒之  
可擬解由諸路之選試異明經之體

國家養士興賢法良意美合十有七省之人才間三歲  
而一舉叶我

皇上觀文成化作人出迨逮於今而三十年僂計之者

十科矣加以首逢

御極之鴻休再頌

慈寧之介祉平西極而廣額迓

南巡而召試竝得歌鹿鳴承燕喜蓋策名大比之場橐  
筆棘闈之內者踰萬人而猶未止也夫流積壅而必疏  
絲近勞而亟理得時則駕者良士之逢年及鋒而試者  
官人之器使是所以勞

乙夜之

淵衷而沛逾望之

恩旨也覺宮老儒曰是固有之吾儕沐

教澤際

聖時玉衡端正珊網旁施監唐瀛之浩渺俯漢閣之屢

裴文達公文集

卷之二 賦

三

屢沛若春雨之沃溥若湛露之滋靡一物之不獲其所  
豈一事之未得其宜况貢舉之多人實出身之有資次  
備員於粉地上擢策於

彤墀或簪筆蔽垣徙倚雞棲之樹或貳教槐市摩挲石  
鼓之碑或校書於三館或課習於八旗亦得敘勞勩付  
銓司其用之也多途其爵之也有差乃今青衫席帽之  
衆懷鉛握槩之期皆登雲霄之浩邈被

日月之昭垂彈冠相慶釋褐相隨其典云何請得而臚  
陳之華封吏人曰

皇上握金鏡持玉尺宏延攬超資格採東箭於菲葑棟

金於沙磧求材鄧林空羣冀北塵

宵旰之慙懃勞寤寐而籌畫下隔歲之

詔書先布告於郡國於是擔奚囊挾書策束行膺負征  
屨喁喁穰穰于于得得齊瞻日下之雲共踏長安之陌  
紛希光而景鶩竝仰流而鱗集俄而禮闈畢試棘垣未  
撤名非落於孫山事不同於李迪詠德含淳庭壝闕溢  
望雲路而翹首奮天衢而接跡身自田閒而來名列選  
人之籍金爵觚棱右平左城鷺序鴛行不違咫尺仰  
宸極之龍光識

天顏之喜色是則下士之榮幸靡涯而遭逢逾式也文

裴文達公文集

卷之二

賦

七

學博士曰若乃任官以材位事以器數分省者維三人  
區等者有二才堪保障年及強仕學製錦以猶能操鉛  
刀而可試畀以墨綬之榮望以鳴琴之治若是者八百  
人至如名列學官職在博士官足以上達祿足以下逮  
師蘇湖之遺規勉經義與治事若是者千二百人別有  
皓髮蒼髯鯢齒鮐背負壯志以思酬抱遺經而未墜燭  
久燼於三條名猶艱於一第亦復錫以京銜寵之冠帶  
優游垂暮之心歌詠昇平之會更體卹之非常而

恩施之無外者矣鬻宮老儒曰於麻哉至矣極矣蔑以  
增矣鄉貢進士古有常經考功旣落夏試或停許九經

之再應求祿仕而未能卽一榜之及第僅敷恩於在廷孰若今之一登貢籍咸注銓名崇師儒之主席寄長吏以專城黜何妨於勒帛寵仍迓於紆青

鴻慈溥濊

厚澤均零不特身受者忻愉而莫已亦俾逃聽者感激而靡寧諸君宜何如其報稱以仰答我

聖明乎華封吏人曰猶未也子獨未誦夫

詔書之渙汗乎

皇上念厯求衣心殷待旦籌錄用之方持彙征之券憐索米之多艱虞旅食之典歎計歸路之舟車省儉居之

裴文達公文集

卷之二

賦

五

且晚先揭曉而舉行俟旋

宮而入

見思匏繫之久虛或株守之是患借相近之官階俾早從於仕宦下大吏以諮詢合庶官而甄辨毋壅其途均適其便計纖悉以不遺

恩大小之必徧愷惻周詳纏緜繚繚卽慈父母之愛其子猶相懸於萬萬也疇能無感入於肺腑而情深於舞弄歟文學博士曰

天無私維善之承

無方維賢之亨今當肅澄敘勵廉貞六事飭三善

苟有益於民事即上慰乎

皇情共承輝而被潤宜奉矩而守繩祿戒覆餗心銘飭  
冰土習遠於奇袤民氣被於盈寧野多馴雉吏薄蒼鷹  
勛微躬之蹇蹇成治績之蒸蒸官毋玷於爾位事有裨  
於政經庶以効涓埃於萬一而報

天保之升恆乃相與作頌曰維天聰明維

聖熙緝俊又旁招一中允執河無伐檀井有用汲拔茅  
連茹初九叶吉千秋萬世允矣極則敢告有位毋或差  
忒百爾靖共上酬

帝德

裴文達公文集

卷之二

賦

美

右下篇

恩賜繙繹書經春秋直解恭賦

尚書爲經中之史春秋爲史中之經虞夏商周傳一中  
之治法褒貶筆削立萬世之典型人文成化於天文爲  
章雲漢

後聖同揆於先聖咸仰日星玉軸捧歸探得酉山之秘  
丹毫釐定啓來甲部之扁蓋一代之制作重

國書追溯陶姚以上而羣言之折中有直解如遊洙泗  
之庭粵若尚書出於上世伏生所授者小篆之文孔壁  
所出者蝌蚪之字朱子患其艱澀句讀爲難昌黎病其  
聲牙貫通匪易鴻都闔咽徒傳三體之殊唐室雕鐫空

裴文達公文集

卷之二

賦

七

辨六書之異守其說者爲之註疏釋其文者爲之音義  
兼二者以相成更繙繹之爲備若網在綱如聲有律製  
重一編卷分六帙析理較微茫之分審音得纖毫之密  
形聲點畫聖人之情見乎辭訓誥典謨上古之文本乎  
質虞廷賡拜如聞警效之音禹貢山川若指掌紋以述  
迺若纂述重夫麟經春秋本於魯史左氏爲尼山之素  
臣公穀實西河之弟子辨三傳之得失猶義略而事詳  
啓諸說之紛拏咸主彼以黜此杜預何休范甯有棄經  
任傳之嫌啖助趙匡陸淳失比事屬辭之旨攷張氏之  
書說已散佚而無稽列胡傳於學官妄穿鑿以相擬此

闢幽微顯惟直解得東魯之心而作

述明以彙纂爲南車之指融諸傳以尊經息諸說以翼傳文依義以爲歸義因文而屢變書平王於首簡體聖人尊王之心定周正於元年息後儒改月之辨說必主乎簡明道則期於貫串不離經者心存乎傳信傳疑不泥經者辭異於所聞所見蓋二百四十年之行事其義無所不包而三千有餘歲之經生其說無能獨擅也是皆由

聖學高深

聖心純粹得尚書渾噩之精法春秋謹嚴之義屏圖無

裴文達公文集

卷之二

賦

三

逸之篇史紀有年之瑞亮工熙績爲堯舜之無爲鑒往開來志孔子之所志藏之藝苑仰

大文炳燿之光頌在巖宮受經學昌明之賜爰開寶笈載啓秘書發來金匱石室之奧分從延閣廣內之區閣上校時曾下青藜之照階前捧出如披綠字之圖陋班固之家藏初無睿制笑黃童之賜讀許就操觚玉軸牙譏氣壓鄴侯之架芸編縹帙曾羅陸氏之廚遊

聖門而服雅言之教瞻

皇極而聆彝訓之敷尚書傳帝王之心

堯文有煥春秋爲

天子之事孔思同符

裘文達公文集

卷之二

賦

完



天子之事孔思同符

原夫一陽初動萬象肇開光含緹幕律轉葭灰惟天心之豫順見物采之昭回納羣生於聖域登八表於春臺維時三素占年六花紀瑞玉屑籠階瑤霧匝地

天子於以怡養冲和導揚善氣履長納慶爰展禮於園丘亞歲迎祥用片於

上帝爾其晴烟淡蕩曉色瞳矓重門啟其洞達雙闕峙夫

龍嵒

翠葆遙來雲霞輝耀

鸞輿繼出日月昭融千官夾侍七校景從周行有列拜

裴文達公文集卷之二賦

起攸同聞鐘聲之振響聿往淮乎

齋宮

皇帝乃周覽從容洞洞屬屬堯樽舜榼古意紛綸象勺

雞彝寶光炳煜既而屏息

紫局棲神

紺幄合太始以周流共初元為往復却慮於淡泊之鄉

體道於清虛之谷蓋亦臨亦保之思直與

蒼昊同其淵穆也及乎虬壺轉漏雞人向晨

法駕至更衣之次被法服而垂大紳明水維昭象清心

之不滓馨香肆達布藹氣以如春自一獻至於飲福由

王公宰執以下逮於羣臣無不恪共就位夙夜惟寅至其禮官導儀靈臺涓吉句牖傳班太常舉職蒼玉白茅陶匏繭栗燔柴焚帛以暢其馨聞酌鬯流瓚以彰其芬苾舞呈大夏之容樂奏簫韶之律溯虞室之源流考姬家而損益唐哉皇哉典盛禮崇固莫得而殫述爾乃百靈訖饗

六御徐旋宣室受釐愈形其翼翼明堂出治倍著夫乾乾此真合撰於陰陽之序而潛孚於聲臭之先蓋崇德報功探本追始貫百代之大原該六經之微旨饗

帝以遠尊

裴文達公文集

卷之二 賦

三

親之誼

聖人之孝治基隆祈年而開稼穡之基

盛世之發祥有以況乎先期則

慈慶稱觴之節翌旦則

舍元受賀之期祥光紉纓景貺歲蕤扇仁風於九有宣

淑氣於三時合

兩宮而上壽統萬國以凝禱所當傳之史冊播以聲詩者

矣臣識擬窺天心殷向日維繪日之難工愧揆天之乏

術入趨

繁縟嘗依承露之盤出握丹毫敢借書雲之筆語匪涉

夸事惟紀實極盛德之形容尚未足以抒其萬一也頌

曰惟

聖承

天法

天行兮寒暑迭運不言而歲功成兮惟

天佑

聖豫

皇情兮民為邦本本固邦寧兮祀日孔嘉玉宇清兮

皇躬澍止潔粢盛兮瑞雲黶黶雪初晴兮兆呈三白錫

豐盈兮大田多稼來頌聲兮千倉萬箱如坻如京兮我

裘文達公文集 卷之二 賦

皇受福百昌榮兮

天人交應是為天下至誠兮

皇受福百昌榮兮

天人交應是為天下至誠兮

皇受福百昌榮兮

天人交應是為天下至誠兮

皇受福百昌榮兮

天人交應是為天下至誠兮

皇受福百昌榮兮

天人交應是為天下至誠兮

瀛臺冰嬉恭賦

冰旣堅氣已肅樹樹鏤銀山山積玉寒色侵肌素華迎  
目鳳凰閣下鏡影空明鴉鵲樓前珠光燦煜爾乃移

珊瑚轟

華旂納赤豹之鳥披翠雲之裘周廬捧劍司晨唱籌前  
環七校後列五侯十二之羽林靜如岳立三千之組練  
動若雲流向瀛臺而至止乘

幾暇以優游

渙汗斯宣冰嬉是舉爾士毋譁爰整其旅殷殷麟麟十  
十五五人擁貔貅氣吞虓虎先齊九伐儼瞻上將之旗

裴文達公文集

卷之二賦

三

繼以三申宛聽軍門之鼓乃揚旌以前導競躡屩以紛  
從奕奕鞞刀縱橫似水森森袴褶顧盼生風超乘以登  
未足方其趨健緣繩而度差可想其驍雄萬衆齊呼響  
震馮夷之穴千層欲裂聲凌河伯之宮捷更過於飛猿  
寧難涉險輕直同於高鳥真欲摩空分道同馳聯鑣並  
進排爲鵝鸛之軍列作魚麗之陣有甚銳以復遲又旣  
蹶而還振榮等乎奪錦標勇逾於冒白亦擬以宗周之  
競長薛不先滕比諸列國之爭盟楚終後晉泊乎彩幟  
再建星毬乍高平開蹴鞠之場恍看投石不用避統之  
藥宛爾凌潮弄宜僚之丸飄揚直起逐韓嫣之彈筵筵

相嘲葱嶺移時到處填成瓊圃滹沱合處幾于踏碎皎  
綃總之挈攫豈騰紛紜揮斥且卻且前忽喧忽寂有時  
習昆明之戰儼鬪輕舟有時叩細柳之營更開堅壁初  
共貫以同條亦技均而力敵繼雨驟以風馳值波颯而  
石激或散若烟雲或轟如霹靂孰爲騏驎之脫羈孰爲  
鴛鴦之伏柀孰旁出以呈奇孰趨先而効績錯爲綺繡  
望竝火荼周遭兩翼辟易千夫不憂龜手詎愁裂膚錢  
塘八月之濤聲同浩淼蜀阪千秋之雪影共模糊一色  
藍田未妨騰躍十重瀚海寧畏沾濡皆所以佐三驅射  
獵之典而非爲供一日

裴文達公文集

卷之二 賦

五

清宴之娛也逮夫

賞酬其能廩稱其事頒來內幣濯錦水以方鮮懷得精  
鏐貢梁州之方至列差等以攸分仍統同而一致允文  
允武旣仁旣義講藝習勞居安保治昭觀德之風作敵  
隲之氣彼夫湘江矜競渡之嬉洛水有拔河之戲乃方  
茲其茂如固無可得而誌矣旣而

變廻翠罕旆轉龍文祥光靈黷佳氣氤氳占三階之朗  
澈見六出之續紛兆西成之豐美大南畝之歡欣

聖天子迺更

仁溢投醪

恩深挾纊察茆檐疾苦之形軫葑屋艱難之狀陳無逸  
于

殿廷繪幽風于屏幃喜臘雪之飄飄迓春和之澹蕩

皇歡既洽

天藻聿賡

熙朝典禮爲萬世程永永無極載流頌聲小臣珥筆宣

德述情所慚凡響未叶

韶諛

裴文達公文集

卷之二 賦

壹

王屋非堯心賦已未散館一等一名

緬遺踪於往古溯芳軌於前王松棟風清儼視中天之  
運桐軒日永長懸帝世之光惟宅中而圖大用垂範於  
無疆握樞於廣運之先而後周流九有立極於穆清之  
表斯以臨御八荒此必首屬乎一心之存主乃徐及於  
萬法之弛張也原夫帝制之尊厥有王屋霄光鬱其上  
浮紫氣臨而正覆樹七華之扇艷穢重簷建九節之旌  
招搖繡轂周廬環擁結芝蓋以亭亭羽衛紛羅仰雲麾  
而煜煜屹如山立中極森嚴行若星移百靈震肅是貴  
等商家之大輅蓋自古維隆而效同周室之指南亦無

裴文達公文集

卷之二

賦

美

思不服矣然而遐稽上世曰古帝堯垂裳而治端拱以  
朝有天下而不與運一心而非遙精一互叅謹人心於  
既判時幾交勅植道心於不搖心殷於六府而水火金  
木土穀之竝懋心周於三事而厚生正德利用之咸調  
雖位處九重而心不忘夫蒞檐蒞屋況時乘四載而心  
益切夫山樛泥橈洵非王屋之爲貴蓋實一心之孔昭  
豈不以心也者上以承乎天命下以凜乎民依惟俯仰  
之交倚斯治忽之攸歸謹其情於紉旃廣厦勵其神於  
盥食宵衣非斥奢而戒侈寶杜漸而防微故樂御德車  
默運之神有在而蓋天軫地外見之迹皆非卽堯心之

兢兢業業知帝治之蕩蕩巍巍

聖天子以堯之治爲治以堯之心爲心座泐放勳之誥  
屏書大寶之箴用昭儉德用葆清襟階非砌玉戶不鋪  
金屹

蓬觀之三重但娛情於秘笈啓西山兮

乙夜寄解愠於瑤琴夫是以肅豹尾而愷惠隨行靜螭  
頭而薰風徐度瞻

翠羽於廣路均切懽忻望

繡幃之清塵咸傾情愫共土階茅茨以俱賡竝白馬形  
車而永慕然則先聖後聖之同祗此一心之流露而

裴文達公文集

卷之二 賦

七

已矣又何必蕙蒲葱蘢莢英交互  
而後爲上世之休徵  
始得與伊耆氏而共賦也哉

平秋東作賦

我

皇上昭陽德序天行玉衡正泰階平式宏規於帝典  
大惠於周京惟三時之不害必四序之咸亨七曜分經  
考中星之次舍五辰順軌驗協氣於璣衡候應葭灰春  
生緄室藹藹輕烟遲遲麗日蒼龍啓節建月德於無訛  
北斗廻杓推歲元而弗失

聖天子布清問之煌煌降德音之秩秩調元化於春臺  
轉祥光於暖律川原上下畎澮西東土膏微潤池水初  
融細染平蕪層層遠碧豔宜芳杏的的輕紅道貴乘時  
裘文達公文集卷之二賦  
三

深宮

午夜求衣憫艱難於民莫

九重申命厯耕鑿於

宸衷黛紉分塍踏新泥而活活青旂載路披香霧之濛  
濛餉酒人來情深亞旅賣錫客至歡洽兒童況我

后歷九陌以巡行首三農而率作省方有令度

鸞輅之徐徐

觀稼成臺望

霓旌之灼灼芳辰播種穡事紛綸社日祈農

皇心儼恪蓋一遊一豫歲行早順夫節宣而引養引恬

天道總歸於欽若也將見

德化涵濡和薰煦嫗覆隴卿雲垂枝甘露一莖九穗人

歌瑞麥之詩疊芻重跗士奏嘉禾之賦豈樂歲之伊今

識豐年之已屢卽此餘糧棲畝羣推

帝世之休徵何必瑞莢生階始永堯天之福祚也哉

袁文達公文集

卷之二

賦

三

帝世之休徵何必瑞莢生階始永堯天之福祚也哉

識豐年之已屢卽此餘糧棲畝羣推

歌瑞麥之詩疊芻重跗士奏嘉禾之賦豈樂歲之伊今

德化涵濡和薰煦嫗覆隴卿雲垂枝甘露一莖九穗人

皇心儼恪蓋一遊一豫歲行早順夫節宣而引養引恬

霓旌之灼灼芳辰播種穡事紛綸社日祈農

皇重文以內長氣壯野漸車餘餘即日淑貴

竹泉春雨賦

以有斐君子終不可讓兮爲韻

若夫繚曲徑而東西列崇臺於左右堂只三弓園剛十  
畝烟囂階亭風生戶牖維長物之都捐更俗情之何有  
道是吾廬絕無凡卉懿脩竹之嫵媚布清陰之飄飄承  
曉日以玲瓏透宵光而煜燁翠鳳梳翎青鸞翹尾聲戛  
響以餘清筠成章而益斐斯爲我友亦曰此君其下則  
澄泓演澠曲折渟汙池雲溫鬱水脈氤氳分流作派感  
浪成文竹因泉而浮埃自淨泉倚竹而遠韻時聞爾其  
水面風來林間雲起密暗遙峰濃移近沚初淅瀝以溟  
濛漸飄揚而邇迤草滿地衣苔深屐齒鐘傳遠寺片笠  
裴文達公文集卷之二賦  
早  
歸僧石滑危巖一蓑樵子維時則春陽乍啓寒律肇終  
枝柯未改冰雪初融瀟湘浦外簣簞谷中如聆琴筑儼  
奏笙鏞靜洗箏瑟之耳全蠲塵土之智迺至閒稱高情  
幽宜芳躅初晴乍展最許禽鳴新漲微添恰當鷗浴撫  
千个之琅玕愛一溪之寒玉對此難忘其誰云不至於  
林彩植欒殺紋淡沓傍石尤奇臨橋亦可壁間松影本  
與相鄰帳裏梅花寧嫌竝坐此又位置之宜人亦周旋  
之自我也彼其興歌涓水作詠淇園雲移月映露滴風  
翻經寒幹挺却暑枝繁莫不低徊澗壑點綴邱樊惟平  
安之有喜亦耐久而弗讓以視此涓涓雨洗奕奕春暄

淨稱青士潤長新孫其爲高致固又莫得同日而論矣  
詞曰春雨如膏有滄淒兮流泉一曲沼芳夷兮竹生其  
間足幽栖兮又從而歌曰枝枝葉葉不高以低兮直心  
勁節孰攀躋兮維彼桃李自成蹊兮召子墨與客卿爲  
之品題兮

裴文達公文集

卷之二

賦

聖

依永和聲賦

聖天子撫瑤樞握金鏡泰階平玉衡正乃作樂以和民  
爰審音而知政攷聲容於帝世備象功昭德之能稽搏  
拊于中天有依永和聲一盛原夫道隆教胄典重命夔  
寫擊壤之休風垂諸雅於忘遊衢之帝力播以聲詩當  
六府孔脩之後正九歌惟敘之時繫八風之克應必六  
律之咸宜夫其依求也抑揚高下叶其常長短疾徐順  
其節意轂轉而不窮韻壞流而不竭鳳簫嫋嫋載元氣  
以俱流龍管遲遲鬱真柄而若結其和聲也笙鏞間發  
金石竝宣如四序之均調功歸玉燭儼五行之順布運  
裘文達公文集卷之二賦

聖

協璣璇鐘律爲君終仲呂而適配宮音至濁與清徵以  
相權夫是以嶰谷呈材泗濱毓秀含橐籥於陰陽敷祥  
和於宇宙不奸不僭驗大化之流行以雅以南有自然  
之節奏鼓百昌長養之辰成庶彙蕃滋之候我  
皇上陳兩階之干羽調九奏之韶英身律聲度大叩小  
鳴和高岡之翽鳳張廣漠之鏗鯨黍谷生暉本肇端於  
葭管雲門振響眞啓瑞於瑤京要皆蘊妙道於無聲普  
太和於有象寅松階之東日晝景舒長披雲棟之南薰  
和陰蕩漾敬心默運式王度之和平協氣潛孚進虞賓  
而揖讓於是阜財解媪

帝德靡涯用以宣德達情

皇風普暢固將共韶濩以比隆方且軼鎬京而更上彼  
夫白雲有詠黃竹興歌矜房中之麗製激汾水之清波  
迴冰天之岸柳發春苑之池荷笛裏齊吹柔聲斷續盤  
中欲翥舞態婆娑音惟工夫靡曼道匪合乎雲和非吾  
皇之所貴固安得與金聲玉振以同科也哉

裘文達公文集

卷之二

賦

望

皇文兩貴國安於典金聲玉振以同科也哉  
中於嘉慶應變變音韻上夫觀曼道匪合乎雲和非吾  
皇風普暢固將共韶濩以比隆方且軼鎬京而更上彼  
夫白雲有詠黃竹興歌矜房中之麗製激汾水之清波  
迴冰天之岸柳發春苑之池荷笛裏齊吹柔聲斷續盤  
中欲翥舞態婆娑音惟工夫靡曼道匪合乎雲和非吾  
皇之所貴固安得與金聲玉振以同科也哉

披沙揀金賦 以取士貴乎精爲韻

高睇蒼穹俯觀寰宇五德騰精九方異土金處沙而難  
尋沙藏金而可覩祥光的皦清浮若木之業物彩昭回  
朗耀華林之圃誰開大冶見此稱奇旣設洪鑪于焉競  
取乃望氣以潛窺爰徵工而至止度溪流之清淺水帶  
溶溶捫石壁之峻嶒坡痕齒齒羅致方殷勤搜未已迹  
旣混於微茫辨亦精夫疑似譬諸采玉尚抱璞於山中  
方彼求珠正含輝於澗底惟精粗之互宅的爾能分實  
好醜之相形昭然可指蓋事等於求賢而功同乎得士  
正色晶瑩寒芒髣髴蒸蒸鬱鬱燭華蓋以迢遙漠漠紛

裘文達公文集

卷之二

賦

四

紛照圓靈而鬣鬣浮埃易蝕不足掩其奇光細礫偏侵  
莫可銷其寶氣靄兮雲蒸霏兮霞蔚縱長湮而自若在  
野堪珍乃暫晦以何傷乘時則貴爾乃封塵旣淨煥采  
斯殊繫旁求而有獲知精鑿之非誣氣自凌霄觸手而  
光凝璀璨形將躍冶呈身而絕意躊躇儼異質之初呈  
價珍崑穴覩竒英之乍現影動醜稔貢自殊方知是鈞  
陶之力來從空谷還因拂拭之餘効用之方于斯在矣  
呈能之義豈可窮乎著其美斯功同利物稽其數而器  
各殊名或周流於九府或踴躍於五兵或兩廡高懸首  
列鏗鎗之號或八音竝重先聆清越之聲或就干將則

千夫奪氣或呈軒鑑則百態潛形既遇良工能發九華  
之采欣逢巧匠知爲百鍊之精然當其春苔沈暖秋蘚  
滋涼金沙莫辨用舍未彰蘊極淵深偏輝異彩投諸窈  
冥自發幽光故能置身象輅奮跡刑揚金闕方開願作  
長生之殿金莖可浥還傾萬歲之觴受奇賞於千秋美  
同拱璧逢哲人之一顧重比琳琅愧有懷而未盡非燕  
賦之所能詳

裴文達公文集卷之二 賦

望

同母聖我時人志一節重其根葉對育對而未盡其  
賦主志聖命萃而盛賦財萬效之類受節贊賦于無  
身自資幽水結論謂自泉神靈視賦全圖古賦賦  
賦金尊莫繼恨舍未節蓋賦賦賦賦賦賦賦賦賦  
心采知我賦賦賦賦賦賦賦賦賦賦賦賦賦賦賦  
年夫命賦賦賦賦賦賦賦賦賦賦賦賦賦賦賦

駕幸翰林院記

國家儲才之地厥惟翰林長安門東南隅院署斯在歲久且圯今茲甲子春

上命發太府金錢重葺之冬十月既竣事

上手書顏其堂曰稽古論思曰集賢清祕是時掌院事

者大學士臣鄂爾泰臣張廷玉臣樂

上詔所司卜吉送入院日庚午具鹵簿揚旌旄

駕發自乾清宮由午門出至則先

詣祀

孔子祠肅穆如禮爰

裴文達公文集卷之二記

升座羣臣次第上謁畢各就位樂作

錫宴用唐張說麗正書院詩分韻

上得東音韻二首以倡坐於堂上者掌院大學士而下

三十六人咸和又為柏梁體聯句凡籍翰林暨嘗為是

官者與焉蓋百有六十五人酒三行樂闋

上因舉十八學士登瀛洲事謂臣鄂爾泰臣張廷玉曰

卿等庶幾無媿房杜矣顧朕弗及唐太宗耳我君臣嘗

共勉之又曰翰林之職非獨文章已也因文可以見道

爾諸臣當明體此意臣鄂爾泰臣張廷玉惶恐謹避席

奏

陛下過唐太宗遠甚臣等謫薄亦思上佐

堯舜與中天之治然材分不逮竊自媿出房杜下羣臣皆頓首謝復

賜樂善堂文集性理精義各一部又名茶文綺及他物有差

上起如清碧堂羣臣趨出候

駕於沙隄之東未移晷尚書公臣訥親捧

御製七言長句四首宣示則

上又於更衣次所走筆立成者也羣臣踴誦之餘懽喜

讚歎以爲此自古帝王所未有須臾

裴文達公文集

卷之二

記

駕出欽承

天語更鄭重於末章戒諛崇實之至意唐哉皇哉一堂  
咨倣直比隆於賡歌颺拜之庥風焉我

國家定鼎百有一年於此矣

聖聖相繼歷於

四朝禮樂之興宜在今日夫翰林者文章道德之府而學

校之本風俗之原也說者謂自百辟卿士下逮一命之

吏皆有所應盡之職而翰林一官獨從容瑣闥間若無

所事事者而

朝廷待之又最近且優以爲是蓋清華之選此豈無故

而苟以榮其身歟人臣幼學壯行遇合嘗不可必而今  
得遭逢

昭代親炙

聖人此古人所畢世不能酬之願迺幸親得之然則思  
所以仰稱

德意者非特分所應爾亦後世史冊中無窮之責望也  
臣官翰林又備員

講幄記言記動茲爲臣職執簡誌之豈以誇詞臣稽古  
之榮哉謹記

裴文達公文集

卷之二

記

四

裴文達公文集卷之二終

瀛臺

賜宴記

粵以乾隆丙寅律中南呂百昌衍溢而告祥四序宣理而順德

皇帝迺布和惠徵令典嘉與在廷

詔以是月二十有八日

賜羣臣宴于

瀛臺沛異數也

瀛臺居

紫禁之右在西苑中地爲蓬壺天接霄漢臣伏讀

裴文達公文集

卷之二

光

國史方

聖祖仁皇帝二十年海宇底平泰道交穆爰

錫燕于是用昭樂愷以休羣工述往事者至今稱極盛焉

皇帝紹庭嗣服祗率

文祖上理孔乂鴻儀是光先一日燕宗室諸王公歌彤弓

以勞嘉賓賦鴛鴦而介景福大雅所列咸孚厥情是日

名宴大學士九卿詹事翰林院官及給事中御史凡百

七十有六人

上以謂古者喜起之盛乃有賡歌導和鳴豫通上下之

志斯洽文德實宏麻風旣

御製七言長句四首又取唐臣李嶠甘露殿侍宴詩

命爲之韻詩凡四十字

上首倡二章其餘預者三十有八人以次各分一字又采漢武時栢梁詩效其體

九重飛文而雲爛百官授簡而鱗鱗五邑竟炳八音繼  
有若步之盛也堯尊既陳湯鼎既設鈞天奏而風入律  
纓露布而又垂甘羣臣再拜稽首雍雍

殿廷俄而三國禮成霑渥咸被更

名至流盃亭聯句復得五言詩一百八韻諸臣中或有

裴文達公文集卷之二

辛

鮑照累句陰鏗蕪詞並垂

天工而爲追琢施

神藻以加潤色篇什旣奏曷景尙舒

詔旨優假許徧遊諸勝仍

命泛舟釣魚如宋咸平中故事是日也霄澄日晶候爽  
氣和金飈微扇而若煦少昊弭節而未肅墮地清秘如  
臨仙都煙景蕭暉迥絕塵葑波光玉習而瑤漱林藹綺  
霽以玕綯遠賞麗矚皆歸

宸恩乃復叨琅笈之

珍賜沐茶紵之嘉賚攜紫鱗于靈沼懷琪實于文甃諸

臣均紆紱搖蒼頓首陳謝日陸就哺次第始進莫不慶明良之隆遇而荷茲

寵光也臣伏惟名者天子于公卿禮有燕享以聯上下

之誼以孚君臣之交其文焯焯著在周典其見于雅者

上歌鹿鳴下答天保若南山有臺之屬其義皆是又曰

王在鎬飲酒樂豈言周時之盛天下無事而燕飲以

昭豫奉之道是以致美於詩人不然化理未洽和平未

臻雖欲舉而用之誠不足以脩其事我

國家駿治聿光重熙累洽

皇帝撫九有而又之奠億兆而康之占需雲以協吉湛

裘文達公文集卷之二

至

蓼蕭以流澤遠以維罔詩之餘烈上以繩

聖祖之舊章于斯宴也可用觀和理之極聲名之盛焉豈

與夫華林曲水見于前載者同日而語乎臣職司記注

事必有書况躬逢

徽典燭千葉而有光者而敢弗識也耶乃敬爲之記

裘文達公文集卷之二終

